

說文通訓定聲

說文通訓定聲序

六書音韻之學莫盛于

國朝顧亭林江慎修戴東原段懋堂孔龔軒江艮庭
張皋文王懷祖諸先生言之備矣蓋六書肇于倉頡
傳于保氏徵于四聲廣韻之作而存于毛詩離騷說
文解字六書指事象形諧聲會意轉注段借是已指
事統于形轉注統于意段借統于聲形與意與聲具
而六書之旨備形聲者以事爲名取譬相成一文之

聲定而衆字之从以得聲者悉定故諧聲之學莫備于說文至合衆音之繁蹟而類而區之分別部居不相襍廁則非審乎毛詩離騷以迄秦漢有韻諸文而究其分合之旨與通轉遠近之情無以得其條理也試卽唐韻之二百六部以上攷毛詩離騷諸文古音支佳類脂微齊皆灰類之咍類故唐韻支脂之猶分爲三部而未合也侵覃凡類談鹽添咸銜嚴類故唐韻覃談猶分爲二部而未合也而眞文元之分由于

先仙之不可合猶是矣至古音東鍾江爲類冬自爲類唐韻分東冬爲二部是矣而乃以東獨用冬鍾同用則未審乎東之音峻上冬之音寬宏東冬同無入聲而冬則說文偏旁字併無上聲也雖然音韻莫正于毛詩冬與侵蒸近與真遠矣而文王則以躬韻天青與真近與文遠矣而巧笑則以倩韻盼說文鮮从羴省聲而新臺以泚瀾韻鮮从袁聲而杕杜以菁姓韻曩若此類者則又不得執一二字之分岐而淆

全部之界畫要在大通而已學博朱君少從錢辛楣先生游今官于新安之黟余適以視學至新安學博出所誤說文通訓定聲示余蓋取許君說文九千餘文類而區之以聲爲經以形爲緯而訓詁則加詳焉分爲十八部如頤解履部別之支脂爲三爭小部別幽宵爲二需豫部別侯于幽復別于魚大抵從懋堂先生爲多若別霽質于眞而爲泰部入聲以屋燭承侯爲需部又參酌于懷祖先生之說學博于斯學洵

薈萃衆說而得其精且舉轉注之法獨辨義例根據
確鑿實發前人所未發其生平之心得在是矣書成
屬余爲序因略舉古音分合之誼書諸簡端云

道光二十有八年歲在著雍涸灘元月愚弟順德羅
惇衍謨

說文通訓定聲



說文通訓定聲自敘

天地間有形而後有聲有形聲而後有意與事四者
文字之體也意之所通而轉注起焉聲之所比而段
借生焉二者文字之用也竊謂轉注肇於黃倉形體
寡而衍義段借濫於秦火傳寫雜而失真而幻丸之
屬反正推移造字之轉注不離乎指事也咸需之倫
悉頤通變造字之段借不外乎諧聲也至於叢脞參
差連緜而始肖其誼弟兄爾汝依託而本無其文取

類多端拘虛少悟不知段借者不可與讀古書不明古音者不足以識段借此說文通訓定聲一書所爲記也夫三代秦漢之嬗聲以世遷九州南北之迢言因方易欲橋古今之舌而出於一軌固所不能將執經史之文而歛以一筒尤有不可然則當如之何曰以字之體定一聲以經之韻定衆聲以通轉之理定正聲變聲三者皆從其朔而已曷言乎以字之形定一聲也東重童龍數傳祇循其舊宋帝嘗適萬變不

離其宗融強秋梓之省文徵諸古籍迹狄豐農之犀
響正於昔聞豕豕兀元轉由一語弟雍甘竊从豈罔
聲呂鬲容尊於重文而得母棘弔卯脆因闕讀而疑
音此齊桓伐莒之謀東郭能言其狀光武命名之義
九禾可訂其聲者也曷言乎以經之韻定衆聲也火
諧衣稗知與燬字同評朝叶苗高信自舟聲少變侮
雖每而異母朋猶鳳而殊風音別求裘部分截雀或
句中而安韻召旻歲旱之章或一語而成歌周頌駿

奔之什靡廬伊滅腓洫當證之韓嬰螟螣春榆螾
堪稽于許慎考工鄭注其罇斯捫屈子王箋許予不
顧燁爲推而怛爲慙可讀班書答爲對而震爲熒當
從古寫淺幟卽羣經之臂脩翹誤俗字之脩求福不
那易儼而語言方合飲酒之饌變饌而義訓始通此
郭商之誦湯可用九有爲九域楚莊之偁武疑以一
句爲一章者也曷言乎以通轉之理定正聲變聲也
關叔卽爲管叔甫侯本是呂侯驩兕匪異渾敦屠蒯

原同杜蕢芝滋易言箕子伊尹詩頌阿衡連山禮著
爲山帝俊書稱帝舜若茲之類厥有三端其同音者
扶服蒲伏與匍匐而兼偁邁迤逶迤偕委蛇而並用
氣借氣而餽出艸假草而阜興鄒國爲許而三傳皆
同頌兒作容而四始代誦種種酢醋因音而互譌悉
愛惠憂以聲而昧本疇屬害曷語詞不必元文叔少
昆翳偁謂相承別字是也其疊韻者泔水猶之洪水
畜君原是好君序榭豫可校禮經毒篤竺試讎漢史

貉伯禡皆禱牲之用褰絅縈總臬布之名明都孟諸
洵非兩地燭趨涿聚故是一人陳易氏而爲田苴改
姓而作弋辛夷可爲新雉蟬焉豈異亶安薰香用以
代葦義不妨於相戾孳息取以爲止訓亦見其交通
是也其雙聲者和桓波播禹貢可詳侮務齔仇雅詩
偶借莫定帝舌音之轉圭蠲涓脣吻之通密勿羶沒
與黽勉非殊踟躕躊躇視峙踞不異黼裘示省獮義
可思素衣朱綃繡文宜訂台余印我皆施身自謂之

言戎若伊而悉肩口僮人之語燥燥多譌慘慘僬僬
或讀伾伾譏假胡何出音微分侈斂徒但地特助詞
本匙正文開口雅而閉口烏啞啞亦其天籟燕人厖
而周人貉蚌蚌又屬方言馬莽蕭蛸更姓祇憑語轉
蠅羊鷄隼殊文不過聲移按諸詩歌相曰胥更抑曰
懿參之古語磬爲硯亦鼎爲當是也此何休之讀公
羊所以有長言短言之辨而高誘之注淮南又別有
緩氣急氣之分也若夫如此爲爾之焉爲旃兩字便

成翻語蒺藜卽茨茅蒐卽韎三代自有合音目少眈而手延挺自諧以成字婁係邾而於引越相足而爲言斯又吳昭魏炎之儔注書荆爲切紐沈約彥倫之輩行文律以四聲者矣夫所見異辭陸元朗文羅經典有志復古陳季立音溯詩騷余少歲蟲彫中年蠖伏哦陳編而洞席憶緒論於趨庭旁及六書自攄一得部標十八派以析而支以分母列一千聲爲經而義爲緯將使讀古書者應弦合節無贅牙詰訕之疑

治經義者討葉沿根有掉臂游行之樂渴半生之目
力精漸銷亡殫十載之心稽業才艸剏汜濫未竟蹣
繆尙多思不能書先爲此敘非敢謂萬川會海導西
京爾雅之原亦庶幾百世本支演南閣說文之譜云
余道光十有三年歲在昭陽大芒洛涂月元和朱允
倩駿聲誤

--	--	--	--	--	--	--	--

庖犧視鳥獸之文贊之於易虞帝觀古人之象記之於書正名爲禮樂之原學文繼孝弟之事書契所係非淺尠矣昔黃帝史倉頡沮誦始造文字周宣史籀箸大篆下逮春秋戰國漸不同文秦興丞相李斯奏同之乃作倉頡篇七章中車府令趙高作爰歷篇六章太史令胡毋敬作博學篇七章皆合古籀爲之或頗娒改者曰小篆此三篇者世謂之三倉凡三千三百字厥後漢司馬相如作凡將篇史游作急就篇李

長作元尙篇而揚雄復博采天下字作訓纂篇以續
三倉凡二千四十字至班固繼作太甲篇在管篇十
三章賈魴又爲滂喜篇續訓纂滂喜者取訓纂末二
字名其書而其書終于彥均二字故亦謂之彥均篇
也凡二千四十字自是以李斯趙高胡毋敬所作篇
爲上卷揚雄所作篇爲中卷賈魴所作篇爲下卷共
七千三百八十字亦稱三倉而其外崔瑗飛龍篇蔡
邕聖皇篇黃初篇吳章篇女史篇字已具三倉中不

箸焉然自始皇時獄吏程邈嘗造隸書趨于簡易以
施官事急速之用而其後喜僂習傳妄釋貽繆世俗
多用之于是三倉之學微許氏愼懼斯文之墜也乃
敘古籍小篆更博收通人著作爲說文解字一書於
三倉之外又增益一千九百七十三字共九千三百
五十三字而其外復有一千一百六十三字列爲重
文統以五百四十部由是小學大顯其功殆不在禹
下第其書自漢以來或轉寫譌跡或朶沾私減真本

不傳復多疑駁且代有製字體葍變遷至唐以後盡以今字改古經而習俗害真迷誤尠究遂爲小學之一大厄古者石奮之章一不足于馬伏波之印四乃冠于羊今且粥號雙弓竟成典故茶爲一木莫識由來凡涉沿譌均宜闔闡又榦支廿二託名幪識許書泥古勢爲正文所解鮮通千慮一失譬猶山藪之藏疾瑾瑜之匿瑕茲輒釐而訂焉夫象形指事謂之文會意形聲謂之字但俾說文者文可統字也述說文

數字或同一訓而一字必無數訓其一字而數訓者
有所以通之也通其所可通則爲轉注通其所不通
則爲假借如网爲田漁之器轉而爲車网爲蛛网此
通以形又轉而爲文網此通以意防爲隄障之偁轉
而爲邨坊爲埕坊此通以形又轉而爲勸防此通以
意不得謂之本訓不可謂非本字也至如角羽以配
宮商唐虞不沿頊嚳用斯文爲幪識而意無可求草
木非言樣斗登乘乃作盈升隨厥聲以成文而事有

他屬一則借其形而非有其意一則借其聲而別有其形也若夫麥爲來而苑爲宛豕爲長而蟲爲彤汙爲浣而徂爲存康爲苛而苦爲快以爲段借則正以爲轉注則紆且也齎咨涕洟皆疊韻齊莊中正皆雙聲肇漢魏之賦體勃鞞壽夢爲合聲充蔚終葵爲翻語開齊梁之切音此通德釋名似轉注而實多段借方言廣雅半段借而時有轉注也夫叔重萬字發明本訓而轉注段借則難言爾雅一經詮釋全詩而轉

注段借亦終晦欲顯厥旨貴有專書述通訓

古音自虞書賡歌而下遞有轉移曹魏樂安孫炎始
作爾雅音義箸反語後有李登聲類十卷凡萬一千
五百二十字東晉呂忱之弟靜爲韻集宮商角徵羽
各一卷至宋周彥倫作四聲切韻梁沈約作四聲韻
補一卷隋開皇初陸灋言偕顏之推蕭該劉臻魏淵
李若辛德源盧思道薛道衡等八人討論音韻後十
餘載乃自定爲切音五卷二百六部凡萬二千一百

五十八字又百五十年後至唐儀鳳二年長孫訥言
爲之箋注嗣郭知元朱書補三百字關亮薛峒王仁
煦祝尙邛孫恂嚴寶文裴務齊陳道固又附益之天

寶十載孫恂復刊正切韻五卷別名唐韻

按晁公武云唐韻加

至四萬二千三百八十三字蓋誤讀孫序并注字入
算也今云唐韻二萬六千一百九十四字又誤以宋
之廣韻爲唐韻元本也唐韻之於切韻
當略有附益耳必無字數增倍之理自儀鳳越二

百五十餘歲爲宋景德四年詔陳彭年邛雍等校定
切韻五卷明年大中祥符元年改賜新名曰廣韻凡

二萬六千一百九十四字注十九萬一千六百九十

二言

按天寶末上又取陳庭堅所撰韻英十四卷四百三十九部改仍法言卷數加百四十一部合

五百八十韻凡萬九千一百七十七字見南部新書宋陳彭年等校定之書疑取韻英本增至二萬六千一百九十四字故改名曰廣若仍唐韻之舊字數不異何廣之足云乎總之廣韻必非唐韻元本較然可知

其時戚綸別承詔刪取切韻字爲韻略五卷備禮

部考試與校定切韻同日頒行又三十一年當景祐

四年詔修廣韻爲集韻令丁度李淑朱祁鄭戩王洙

等校定之寶元二年書成凡十卷得五萬三千五百

二十五字治平四年司馬光又修之其書實非今所
存之集韻也景祐時廣韻未修先刊修韻略改稱禮
部韻略爲五卷收字九千五百九十以賈昌朝請韻
窄者十三處許令附近通用元祐五年孫諤陳請添
收紹興十一年黃啓宗張貴謨隨韻補輯十四年楊
朴又有括遺三十二年毛晃增修其子居正重增凡
多二千六百五十五字世亦謂之增韻歐陽德隆又
輯押韻釋疑五卷郭守正增修校正之楊伯岳因韻

略於九經所有之字多所漏失作九經韻補一卷增
七十九字淳祐十二年江北平水劉淵于韻略增四
百三十六字并爲一百七部名壬子新刊禮部韻略
按金哀宗正大六年己丑平水王文郁撰新刊五卷
吾鄉黃丕烈孝廉有其書余曾見之己丑於宋爲紹
定二年在淳祐前疑世所傳劉淵本乃
劉取王所撰重刊者相傳誤爲劉撰也元熊忠用其
部纂爲古今韻會三十卷計萬二千六百五十二字
黃公紹又有韻會舉要大德中陰時夫時中兄弟復
妄并拯入迴爲今韻之一百六部刪字三千一百餘

存八千八百餘名號曰韻府羣玉由是而古韻淪胥
以亡自前明三山陳第撰毛詩古音考四卷屈宋古
音義三卷爰始講求元聲開闢戶牖至國朝顧炎
武江永戴震段玉裁諸君因是推衍漸詣精密夫以
雅正俗則正之以許書以古正今則正之以經韻方
音自異古語雖遙字體從同原無二本聖言所箸理
可交推述定聲

轉注

小學之綱有三曰形體曰音聲曰訓詁周官保氏以六書教國子象形指事會意者形體之事也諧聲者音聲之事也轉注者訓詁之事也知斯三者而後知段借段借者亦訓詁之事而實音聲之事也惟轉注一法言人人殊許叔重說文解字敘曰建類一首同意相受考老是也孫愐切韻云考字左回老字右轉戴仲達六書故周伯琦六書正譌別舉側山爲阜反

人爲匕之類當之徐楚金則就考字傳會謂祖考之
考古銘識通用丂于丂之本訓轉其義而加老注明
之犬走爲焱爾雅扶搖謂之焱于焱之本訓轉其義
飈則加風注明之鄭夾漈通志略又妄分建類主義
建類主義互體別聲互體別義四事楊桓六書統則
謂三體已上展轉附注此皆以形體言轉注者也
國朝戴東原始發互訓之悖其言曰轉相爲注猶互
相爲訓老注考考注老爾雅釋詁有多至四十字共

一義者卽轉注之法故一字具數用者曰段借數字
共一用者曰轉注而吾鄉江叔灃曰轉注統于意轉
注者轉其意也如挹彼注茲之注故立老字爲部首
卽所謂建類一首考與老同意故受老字而从老省
考之外者耄壽考之類皆是說文解字一書分部五
百四十卽建類也始一終亥卽一首也云凡某之屬
皆从某卽同意相受也凡合兩字以成一誼者爲會
意取一意以槩數字者爲轉注二君以訓詁解轉注

說有根據可謂突過前人矣竊嘗論之謂考字左回
老字右轉者考係形聲老屬會意釋涉今隸紕繆顯
然謂側山爲阜反人爲匕者此指山人已成之形爲
阜匕續生之事卽所謂指事象形者因形而製字指
事者因字而生形也謂丂字加老焱字加風是以形
聲中聲義隔者爲諧聲聲義近者爲轉注穿鑿之弊
必至有如王荊公字說者至若妄分建類互體四門
以考老履屨等字爲建類主義以鳳凰糴糴等字爲

建類主聲以啼啻唯售等字爲互體別聲以猶猷愚
悒等字爲互體別義旣無條理且多俗字舛繆尤裸
直以此事爲兒戲矣謂三體以上展轉附注三體四
體不過數字悉屬會意或兼諧聲淺陋之談不足置
辯大抵言形體者綱領旣乖彊設條目所謂差之毫
釐謬以千里者也惟互訓之說於六事剖判分明然
亦有未盡然者夫六書皆以立教也保氏於國子旣
教以會意之老則考之訓焯然知之旣教以形聲之

考則老之訓亦焯然知之而復合考老以重申疊究
不已贅乎況創傷也傷創也楊但也但楊也之類同
意相受矣不可謂建類一首而考仲子宮老實不足
以盡考楚師老矣考亦不足以代老又何說也且謂
爾雅皆轉注則亦混于段借何以言之初哉首基哉
者言之閒也不得轉注爲始始則才之段借也錫界
予貺錫者釗也不得轉注爲賜賜卽賜之段借也爾
雅注彰章許書注文字注彰章則哉生明錫土姓可

曰始曰賜注文則哉爲詞錫爲金不得曰始曰賜
體用之間致不侔矣吾所謂未盡然者此也竊以轉
注者卽一字而推廣其意非合數字而雷同其訓許
君自敘考老之悵惟江氏分部之說得之許不曰老
孝而曰考老者部末孝字子亦會意意不專受於老
也雖然轉注一法許實誤解正有不必爲前賢諱者
許書所謂同意相受惟老履𡩋𡩏數部耳他如木部
有植物有器物水部有地事有人事日部有日星之

日有日時之日尸部有橫人之尸有屋宇之尸首雖一而意不同焉不特此也保氏果以是立教則凡形聲之字皆即轉注之字六書何以條分余故曰轉注者體不改造引意相受令長是也段借者本無其意依聲託字朋來是也凡一意之貫注因其可通而通之爲轉注一聲之近似非其所有而有之爲段借就本字本訓而因以展轉引申爲他訓者曰轉注無展轉引申而別有本字本訓可指名者曰段借依形作

字觀其體而申其義者轉注也連綴成文讀其音而
知其意者段借也段借不易聲而役異形之字可以
悟古人之音語轉注不易字而有無形之字可以省
後世之俗書段借數字供一字之用而必有本字轉
注一字具數字之用而不煩造字轉者旋也如發軔
之後愈轉而愈速轉者還也如軌轍之一雖轉而同
歸試卽以考譬之胡考之休爲本訓老也考槃在澗
爲轉注成也弗鼓弗考爲段借斂也斂者攷字之訓

言部六言部
也又試以令譬之自公令之爲本訓命也秦郎中令
爲轉注官也令聞令望爲段借善也善者靈字之訓
實良字之訓也轉注無他字而卽在本字故轉注居
段借之前段借有本字而偶用別字故段借附六書
之末若此則訓詁之法備六書之誼全保氏之教箸
雖起北海南閣諸大師質之應亦不易斯言事比當
仁理惟是故不避專輒而箸其說云

段借

說文解字發明象形指事會意形聲四書而轉注段借二者則略而不備言轉注若革朋來韋能州西七字言段借若少正詖馭爰哥粦完罪併臭洒姚鎬十六字又引經史及或說若玕嗟等五十餘字著者如斯而已夫段借之原三有後有正字先無正字之段借如爰古爲車轅洒古爲灑埽有本有正字偶書他字之段借如古以望爲疾古以莫爲蓐有承用

已久習訛不改廢其正字轉用別字之段借如用草
爲艸用容爲頌也段借之例四有同音者如德之爲
惠服之爲良有疊韻者如冰之爲捌馮之爲泐有雙
聲者如利之爲賴答之爲對有合音者如茺蔚爲摧
蒺藜爲茨也段借之用八有同聲通寫字如氣質概
書氣廩動崢乃作靜妝仁誼通用威義將衛總爲紛
帥今 國書凡同聲字統爲一體作書時依其文義
而顛到上下之知爲某字某意卽其理也別有託名

標識字如戊癸取之戈兵卯卯假于門戶有單辭形
況字如率爾原非畢網幡然豈是觚巾有重言形況
字如朱朱狀夫雞聲關關用爲鳥語有疊韻連語如
窈窕無與心容蒙戎非關艸寇有雙聲連語如易爻
多說次且書歌肇言叢脞有助語之詞如能爲可通
走獸於焉或託飛禽有發聲之詞如弟兄異乎君臣
爾汝同于乃若此皆本無正文依聲託事誼不在形
而在音意不在字而在神神似則字原不拘音肖則

形可不論故凡語詞習用之字如者矣乎哉噫諾吁
否皆乃兮于乍各曾毋尙知曰粵唯寧歟曷多从言
从口从囟从欠从丂从八非是則皆段借也段借之
理疊韻易知雙聲難知非博覽旁求潛心精討烏能
觀其會通與古人心心印合如相告語乎

凡例

一六書形聲之字十居其九是編就許書五百四十部舍形取聲貫穿聯綴離之爲一千一百三十七母比之爲十八部以箸文字聲音之原以正六朝四聲之失前哲江戴段孔分部遞益各有專書今復參互加覈不妄立異亦不敢苟同

一是書於每字本訓外列轉注段借二事各以口表識補許書所未備徵舉典籍引端見緒遺奪舛錯

知所不免釐整之善以俟達人

一字有與本誼截然各別者既無關於轉注又難通以段借文字中才得百一今列爲別義亦以口識之

一訓詁之旨與聲音同條共貫共用爲勇僂自狼暉咨親爲詢釋于叔豹射言繹或言舍禮經箸其文刑爲例卽爲成王制明其義嘉祉殷富子晉談姒姓之初考神納賓州鳩說姑洗之恠孫爲奔諱公

羊之解經散與渙同孔子之序卦楊名耗而魏名
大述之邛明忠自中而信自身陳于叔肸石癸表
吉人之訓行父傳毀則之辭究厥雅言罔非古誼
孟堅通德成國釋名此其旨也故凡經傳及古注
之以聲爲訓者必詳列各字之下標曰聲訓

一古韻錄詩易以下至先秦而止其與今韻同者閒
亦從略

一古韻亦有方國時代之不同輒或出入如一東字

也音轉如當則叶壯部矣音轉如丁則叶鼎部矣
音轉如登則叶升部矣音轉如耽則叶臨部矣音
轉如敦則竝可叶屯部矣卽所謂雙聲然其本音
自有一定今命之曰轉音以攷其異而益審其同
一古人用韻閒有在句中者偶隨立文之便於歌誦
時重讀此字其音自諧且禮云一倡三歎古樂歌
詩每一句四人歌之曼聲閒作自然成韻不定在
語末也故左傳引大武直以一句爲一章今按之

羣經如詩漢廣喬游爲韻蝮蝮父雨爲韻枕杜心
飲爲韻東門之枌旦叶原七月菽叶穆車攻矢叶
飲柴巷伯豺叶謀桑柔昊叶柔劉憂四章酉叶慙
辰瘠思齊子叶德士皇矣順叶君兄叶王方蕩王
叶商常武卿叶明赫叶作召旻歲潰蕪此止爲韻
惟天之命德叶已桓豐叶邦載芟主叶旅古味且
良耜厥叶活殷武息叶國福易革傳文炳文蔚二
文字韻禮運以篤父子父字韻論語朽木二句朽

叶雕土叶朽裨謹二句艸討爲韻周語州鳩引諺
衆心成城衆口鑠金心叶金管子牧民不昧鬼神
則陋民不悟神民爲韻自來言韻學者往往不得
其指爲舉數事以例其餘

一此書宗許爲主誼若隱略閒予發明確有未安乃
參己意

一形聲字有同母而異讀者如舟朝冒曼等語言之
轉卽雙聲也有同入而異平者如豕豸取擊等本

爲同部卽長言短言也

一說文重出之字有宜刪者如右吹塋歛吁愷閑敖
否掣凡十字有不刪者如昇變等二十六字或古
文之段借或形體之傳譌存之以考古

一重文有移置者如剗疣等有分爲正篆者如錄耶
等有正篆當爲重文者如缸窻等皆下其字一格
爲識

一許書以小篆爲主如終蕢樞雲等皆以古籀爲重

文今以聲爲經則不得不到置其字又同字而各有所从者如人儿百首頁等許不得不分今不得不并

一字本相承會意如宋秀等今輒以鄙見定爲形聲附係各母之末

一字有不見正篆見于說解及自敘中者有有偏旁無正篆者有見于說文小徐本者有見于他書注所引說文者今悉加攷覈有補有附附者見于注

中補者書以大字

一太徐補附俗三類字四百五十又見于經史凡魏晉以前注有音讀者皆訂附焉

一字有見于方言廣雅及子史傳記而無可附麗者於每部後別彙存之以俟考

一凡山水國邑及姓氏之類皆託其字爲表識無關本誼故注亦不詳

一平水一百六韻旁書每字之上以存今今韻未收

者訂以廣韻集韻而分隸之

一古人音讀祇爲譬況之語如某讀若某或讀如某某之某聲惟一原讀無二致今止錄說文所箸凡漢魏後諸儒反語概置不錄惟部首字姑存

一聲母一千一百三十七部內不爲子亦不爲母者二百五十四部實得聲母八百八十三部

一通部文字九千五百七名旁注五千八百八十九字附存一千八百四十四字都凡一萬七千二百

四十文字



聲母千文

許氏說文解字有正集有重文凡萬
五百一十六名形聲居十九其象形
指事會意三書爲聲母者才十之一
今略依條理半次其母倣梁周興嗣
體集爲四言命
曰聲母千文

一人首出爲天下君登三成五千世同文
臣古伏氏
隸乎公孫臣倉覽筆畫日圖雲周才孔思
君辟戶門
翠狀詹仰夔莫與侑粵予小子弁函冢昏
幸熏先惠
敢步後塵大員規合臭氣壹壹兼勺九市
衆共北辰
雷雨解甲歲月開寅不息則久是用生民
父母妻妾

仲季弟舅師友以外品庶鯨國士農工族各敬司存
配匹壺閑刀七執爨箕帚糞埽椒巾曰盥東西壘里
州邑山川乂安區夏建牧設官銅宰丞相廷尉平反
爵尊簪褭坐異班聯贊黻皆系悉戒容姦爪衡內牖
退食委蛇卸蓄綏患亟苟忘罷吏望鬲尹岳皋棄爵
定功肩勞肱呂夾弼封圭報庸侯男甫讀爲輔敦吳寧
畢原苗堯弗絕皇彝丹冊敷若杲晶易教至普元亨
利貞六爻位立四與象并舉頻履視比顯升冥坤順

萬麗民莫允寧正索煩冤斷自二典明居端禾暴秦

殺椒禹脣罔牙晉頤羸竄夾盜匿主于今能辨鳥巢

殷武素王手刪易沙句杳羅競辭懸黃竹早逸白水

未全東家麥討齊苾及於

讀爲韓

毛尤雋卓濬如淵泉

正亡史繼字表袞戎左取叡突赤高差劣楚申好善

宋戌聃兵未向秉直晏嬰省刑禮志曲臺彪幽充庫

葬祭冠婚室几鼎俎肅參告虔承簋爰

讀爲稷

黍帶褻

裘弁豆登豐畢卮舟上仰壺鼻右頰馭逐禽鑿臬取

尺午凡此法萬米艷蓋寡樂象革鼓石磬弣琴吹角

引羽徹幽頃心后夔昔命毋虐罔至賁乎

讀爲梓

瓦缶

未契立音戛戟矛盾朱干彤弓叔殺華刃口舌興戎

示兆抑危揣器則凶止戈无咎爭門辱躬及田力穡

々々勾疇垌林遺衍麻末來牟畱囿米廩白雨春貧

香宁鬱鬯色別酎酉巫覡祝宗占卜卜筭友崇恭肫

龜長筮短來矢般斲炎艸妃蘭誘射昌衛知醫俞扁

烏曹作博兕祭弄丸奔奏奴卒須眉丈夫舍數計巨

審終春初義豐率道信夏乘車憲貧辟粟由家從軍
回仁克己參孝守身屨耑本業再弋多聞引卉叢莽
弓毛丰屯婉絲玉女土鹵少辛中馗縣馬黑丑嫁令
仙鴈飢薦蜀鼠甘堇包讀爲曾走扇束具芻焚攀攀
安朶芟丰加斤韭祓瓜蒌可付夕飡嘉匠攸需葍采
谷木牛棘馱桑析岳斬壑氏畢亞义卑斯禿美辛支
分下果實算枚鼎兮要棗鹵介受某夭喬無阜飛走
盈方禺變虎兕豚希覓羊爪鼠突戾侵弱敗弱見兔

求犬尋鹿尋章

讀爲

桀龙吠堯旅敖

讀爲

會京獸非

堯寇鳥或朋鳴意而燕乙吉了商庚号寒盍旦旋目

交青

讀爲

翟衣雀佩雀炙臬羹驚甚隼爽

讀爲

對乃

死央雉竦疊參人臬弄亢佳寥兀霍驚曳連行戕莽

讀爲

穴丙科斗尾丁雙再葉易甜美互膏冬囟術井

春陽負人耿黽介貝蟲魚之間蚩眾蝱豸子子便昌

蠶束函毒蠅乳亂楸汙延入耳伊威婦番

讀爲

染舉

貶罰隍兀羈囚屍困折足閉臥獄牢亢囂幻竟去脊

處肥乍看赫譽奄并劫灰筋骨血肉憊疾就衰老彭

宦雪

讀爲隱

芝顯并幾八徵兩集七閏廿改卯冒酉孰

壬森已作盤孕挈字胙万朔旬帝戊帥政癸乙說因

郵廩戌役畜制夷羌僉歎塞龠企我國光十百麤葡

寸火且熒執从幼習必也正名休乖亥豕又東嬴嬴

秀惠其質益保癥眞屋扇恒畏笑貌勿佞畱录喜慶

永流昂昆

說文六書爻列

參用鉉錯二本

指事

敘曰視而可識察而見意上下是也

一上下示三王卜小八余干羊十工巧、入口ムノ

人尸丿乚亡二四五六七九亅而土

以上三十四文

象形兼指事

中正屯才毛齊韭刃刃及兀夫立耶巾广不至豕戈
馬羈馬且血甘艮本末朱木率曰月尺尾毋民父尹
寸罍旦崇繼丑戌夕片非凡耶少乏孑𠂔凡𠂔幻

以上六
十九爻

世葬品半真正或乍亟恆回置品司抑九

以上一十六字

弗畢氏肩音宜

右指事列一百二十五文字

敘曰畫成其物隨體詰詘日月是也

玉氣中采牛口止牙冊牙業業曰要華南彌爪孔

同又又又少臣九卜爻目楮自羽佳个羊鳥烏鳥焉
華畢犇么予肉刀丰角竹刀乃豆虎皿主丹井
厶缶矢高寧來爻弟久久爻出彖口回壺貝於日月
罔母弓肉鼎克聚米曰凶未耑瓜山呂彖口罔人七
衣毛尸舟方儿兒先兒欠頁百丐首彡弱文卅勺由
山厂石勿井而豕耑且豸兕易象馬廌鹿毚兔菟犬
鼠火囟大亦夾矢天交允壺壺亢介凶蠱心水々々
川泉永久雨云魚燕飛乙西戶門耳臣手率女母弋

也戈一 一 癸 仁 曲 留 瓦 弓 引 弭 糸 率 虫 蓐 蜀 宅 龜 隼
卯 田 力 开 勺 几 斤 斗 矛 車 自 阜 公 宁 歿 亞 离 萬 禹 陶
离 罍 甲 乙 丁 戊 己 巴 庚 壬 癸 子 了 孑 子 卯 巳 吕 午 未

酉 亥

以上二百
四十二文

形聲兼象形

齒 米 甬 碗 氏

以上
五字

會意兼象形

齊 牟 半 登 足 疋 器 谷 丙 只 芻 囊 爲 太 夊 反 犇 畫 舛 舛

鼎半跪寢肩巖 關 筮箕巨巫曰國方乎于鼓豐豐

虞虎彪益皂嚙爵舍倉京昌富向亥夏夔夔木果朶

樂杲巢泰咎束禾秬水肯帶市侑霱啗衰裘考履象

兌兜兜面后厄厄磬彖爻厥駮淵霑霑鹵開 愚按 閉殃

蟲囑鏗犇升事申 以上一百五字

會意形聲兼象形

旁器與穴身能龍獨 愚按 金禽牽羣 以上一十二字

右象形列三百六十四文字

肥筋利初則刪釗制則

三字息按形聲

罰劍梨未解解等

按愚

形聲 箴簋

愚按形聲

算算典彙左卷

愚按形聲

弄弄覲甜獸甚

查曹奇

愚按形聲

哥号號粵平喜亶封桓彛艷虐虢瞽

贊醢益盈盥盥彤青鬱食飢飡合僉俞今會內火糴

全从朕侯知尤央雀就辜膏厚

愚按形聲

稟留審察

愚按形聲

致屢

附

韃靼舛罽条房桀乘某

關

枚琴

卽開愚按妖聲

果

查果

愚按形聲

采休東棘

關

林鏐森桑里師賣菜亭生姓

華 𨔵 𨔵 東 東 刺 圖 國 困 因

愚按象形

囡囡困困貨贊負贊

質

買貶

愚按形聲

賁邑郵幽

關

黽巷早晉曙昏邑昌暴

暴昆普旋

愚按形聲

旅族晶

愚按象形

疊臍盟

愚按形聲

夙外夙多

夢弓桌栗棗棘牖采秦科秝兼黍香穀春雷雷雷兕

林椒麻瓜向奧盥安實容亢宦宰守寡寒朱

愚按形聲宗

躬突穿突竄瘡疰同冢最兩

關

苒羅罷詈羈帶白

愚按象形指事

京晶仁佩伊位付仰侵便佹倮伏伐咎弔介

件阜頃叩卓艮从并比北从眾王微望全臥𡗗殷表

褒老孝毳居

愚按形聲

屍屾屋康俞劓

愚按形聲

般兄競兢先

流涉顙侃州獮原廬規谷溶冰扇霏鱣鰲孔愚按象形

乳瑩臺珥扇犀閒閑所閃闐耽耳聶摯承愚按形聲投脊

妻婦威愚按奴愚按好委如愚按旻嬰愚按佞婁奴姦

毒父弗饗闕戎戟戛戌戔武戢闕愚按戔我義二字愚按

形聲直亾勾區匚匹匠弔弼盤孫繇繇愚按會意絕縑

愚按繇愚按綏榮絲轡蝻蠱蠱蠅鼃愚按凡坤愚按埽

坐封圣圭垚堯董里畜畱男劣勞加劫劬協脇協銜

与凭愚按尻处俎鉞斲所料軍輶輦斬聶官陟陴肯

𧈧

關

𧈧

愚按

獸

亂

丙

愚按

登

祀

辛

臯

辭

辭

辭

辭

辭

辭

辭

辭

辭

孕

二字愚

按

形聲

字

孛

孛

孛

孛

孛

孛

孛

孛

孛

孛

孛

孛

孛

孛

孛

孛

醫

二字

醫

醫

醫

醫

醫

醫

醫

醫

醫

醫

醫

醫

醫

醫

醫

醫

醫

醫

醫

形聲兼會意

吏禮祔祔祉崇琬琰珥碧玲玢岑芝薄甘蒲菜

蕓

愚按

禾

萍

愚按

水

艸

莽

曾

必

胖

牝

牝

牝

牝

牝

牝

牝

牝

牝

牝

寔返遯遯徠齟齬齟齬騎路鯁鯁

二字愚

按

正聲

嗣

拘

符

鉤

鉤

鉤

博詔警誼認訥訥美奉樊農豐鞣鞣鞣緊堅豎投

整政澈改攷敬教

二字愚按形聲

敵鼓教甫

愚按形聲

爾建暝

眇歟夷確雍雁莫瞿鴈舒奔殞腥剥剗刺刺衡簠筑

塞

愚按形聲

迈磨冒可吁惹愷魑藍盡吉阱荆饗餽昏市

缺柵羌料杓梁枰樛杆糴稷稭積貧鄯覲旄冥剛貫

虜束稊杲竊籛室定寶害密窺窺冠取冒兩羃飾

愚按

聲傲勸保仕倭仲侍傾伍什佰敷倌儼係像僊化從

和補製裨眉屈屍覽覓歟

愚按形聲

歎歎歎吹顙賴硯醺

導彰翦听詞句

三字愚按形聲

長

愚按象形會意指事

馭驪駮駟駮

猪焚燥焚炆恩絞熿熿壹執籍旋靴界鼻界裴焚

息憲

愚按會意

懋懋愚懋忘

三字愚按形聲

懋懋患恇

三字愚按形聲

汭

次洸湮深派汧決洄洑湔湮濯汲塗泰泮萍至邕冬

漁否閏閏閏聽插挺授擘孥姓娶婚姻妊

二字愚按形聲

娣婢

愚按形聲

嫫嫫媛奸柅絺縵鼻螟蠚蝨螭

五字愚按形聲

坪均墨城塞聖功勸飭

愚按似聲

勢釳蓋鈴錄料輒衛聲

陸陷傾圯陳陞隙陟素至爵綴季疑疏肫羞酒酣醉

愚按形聲

醬醢

以上三百三十七字

右會意列一千一百六十七字

形聲

敘曰以事爲名取譬相成江河是也

丕至
醇

五千五十七字內兼指事者六字兼象形者
五字兼象形會意者十二字兼會意者三百
三十
七字

右形聲列七千六百九十七字

轉注

敘曰建類一首同意相受考老是也愚按
考老者謂考字从老省與上下日月武信
令長平列字不同但如許說則形者轉注
聲者諧聲形聲之字皆卽轉注之字段如
一部丕字爲轉注乎爲形聲乎抑兩屬無
定例乎余謂造書時先有象形後有指事

謂之文復取象形指事合而成書謂之字而猶不足於用也乃又取象形指事會意三書之聲以配形錯綜參伍互相爲用亦成一書造字之法備矣蔑以加矣而所以用此四書者更有轉注以通意之窮段借以究聲之變而文字之用乃綽然而有餘故合之爲六轉者轉移遷徙之謂注者挹彼注茲之謂許君當日轉注者體不改造引意相受令長是也今舉許注革旁來韋能州西七字以爲轉注之式

韋

獸皮治去其毛革更之

朋鳳飛羣鳥從以爲朋黨字

來天所來也故爲行來之來

韋

獸皮之韋可以束枉戾能獸堅中故稱賢能相韋背故借以爲皮韋能而彊壯稱能傑也

州

昔堯遭洪水民居水中高土故曰九州

西日在西方而鳥棲故

○按此七字

前意皆以爲段借愚謂韋州西三字正六書之轉
注也餘四字乃段借而非許之所謂段借華爲改
更之雙聲故借爲更改字朋爲側來爲麥能
爲態則同音之段借皆別有正字可指名者

右轉注列七字

段借

敘曰本無其字依聲託事令長是也愚按
漢書百官表萬戶以上爲令萬戶以下爲
長續漢志每縣邑道大者置令一人千石
其次置長四百石小者置長三百石侯國
之相秩次亦如之應劭云三邊武帝所開
縣戶數百而或爲令荆陽江南七郡惟臨
湘南昌吳三令耳及南陽穰中土沃民稠
四五萬戶而爲長桓帝時以江南陽安爲
女公主邑改號爲令至魏仍復其故攷西
漢令長見于紀傳者甚少後漢書則數數

見矣夫令者發號也鶚冠子云令也者出制者也長者高遠也易繫詞為長為高周禮太宰長以貴得民則令長正是六書之轉注許君當日段借者本無其意依聲託字朋來是也今舉許君言

革朋來韋能州西

此七字見前轉注許則皆以為段借

璪

虞書璪火粉米按借為藻也

玎

齊太公子似諡曰玎公借為丁也

中

古文或以為艸字

馱

周禮曰馱雖馱馱不馱借為槁也

莛

詩曰左右莛莛之借為現也

犝

春秋傳曰犝犝借為犝也

周書曰今惟淫舍牯牛馬借為牯也

嚙

春秋傳曰嚙言按今左王春秋傳作覓皆借為講也

于無我廷借為恒也

述

述借為仇也

逌

爾雅曰逌則正為詩大

日借此借為語又云亦以為足字此形近又云或

古文以為頗諫孟子曰故諫諫而諂傳曰諂諂孔子

字借為頗也諫來重言形况字也諂容重言形况字

諛周書曰勿以諛詞周書曰在后之諱周書曰無或

張雙聲諛一曰諛然借為唉也又云春秋傳曰諛杜

連語也諛諛出出重言形况字或借為熹也諛林

以為騏韜周禮曰柔皮之工鮑氏韜即鮑史詩云史

雙聲騏韜也按此許君說段借最明者史今達今

連語騏為賢字鼓如此敔周書曰常敔敔名敔首

按借為敲周書以眊虞書毫字从此瞋詩曰國步斯
頽也敲為討眊按謂借眊謂毫瞋瞋借為圓也
睪詩曰睪婉之睪古文以莫周書曰布重莫翼官溥
求疊韵連語睪為覲字莫席按借為篋也翼說似

米而非米者矢 **爰** 籀文以爲 **万** 古文以爲于字形近

字矢借爲菌也 **𢇛** 周書曰惟其𢇛丹𢇛謂 **既** 論語曰不使

哥 古文以 **𢇛** 借𢇛爲涂實爲朽也 **既** 勝食既借爲

也 **𢇛** 詩曰飲酒之 **覃** 詩曰實覃實 **𢇛** 詩曰𢇛差荇菜

枯 夏書曰惟箇輅枯木 **構** 杜林以爲 **索** 杜林說米亦

專 **杜** 林說以爲 **晤** 詩曰晤辟有標 **𢇛** 古文以爲顯字

也 **𢇛** 古文旅古文以 **鼎** 籀文以鼎爲貞 **𢇛** 春秋傳曰


謂借和爲𢇛也徐鍇不知許明段借之誼故曰當 **完**

言讀若少兩字他處如此者甚多而錯又不注 **完**

古文以 **𢇛** 秦以 **𢇛** 詩曰衣裳黼黻 **𢇛** 論語曰陳 **𢇛**

爲寬字 **𢇛** 爲𢇛字 **𢇛** 重言形况字 **𢇛** 借爲亢故 **𢇛**

可傀 周禮曰大傀 僇 虞書曰方鳩僇功也按方鳩
禽 異災借為怪 僇 借為旁速是部所引是正字 僇
詩曰周道倭遲 侗 詩曰神罔時 俾 周禮曰句兵欲
也 謂曼韵連語 侗 侗借為恫 俾 無俾借為彈
明堂月令曰數將 假 虞書曰假于上 倅 逸周書曰以
僣終借為幾也 假 下借為假也 倅 倅伯父借為
恩 倅 古文以 佃 春秋傳曰乘中佃 倅 詩曰鞠人倅
也 倅 為訓字 佃 借為甸實為乘也 倅 武借為忤 倅
詩曰傳杳背 伎 詩曰伎彼織 禕 周禮曰王后之服 袞
借借為噲 伎 女借為企 禕 禕衣借為鞞也 袞
論語曰朝服 袞 春秋傳曰公會齊侯 禕 詩曰毳衣如
袞 紳借為袞 袞 于袞此託名標識字 禕 詩曰毳衣如
覲 爾雅覲 禕 弗離 禕 春秋國語曰俠溝而 禕 春秋傳
覲 此雙聲連語 禕 我按借為侈也 禕 曰生放
及獲此託名標識 禕 虞書曰禕類于 媽 春秋傳曰媽
字取于物為假也 禕 上帝借為肆 媽 春秋傳曰媽
馬百駟畫馬



後敘

說文解字形書也說文定聲聲書也說文解字象形
指事會意形聲之書也說文通訓轉注段借之書也
說文解字知者勑物小學之元始也說文通訓定聲
巧者述之小學之大成也讀者東一字當先取玉篇
廣韻字典閱之而知此書之異竟一字當復取經史
諸子元文覈之而知此書之同異者其謹嚴同者其
會通也此書固後學之津逮而實先生之緒餘也先

生于學無不窺七百八十三座之星能指而名之九
章之術能推而衍之十經之義則淹而通之三史十
子騷選皆孰而誦之其發爲辭章也詩古文詞早歲
卽主盟壇坫而又深自韜晦履蹈粹如不假蹇而驕
不拘墟而固敦厚和平之意益然溢于言色故所饌
箸實事必求其是平議務要於中非猶夫人之一得
自足詡詡焉表暴之不遑者此書固鄧林之條枝而
寶元固之積玉也先生稟承家學穎悟過人嘉慶辛

酉年十四冠郡試壬戌補博士弟子嘉定錢竹汀宮
詹重游泮宮一見竒其才曰吾衣鉢之傳將在于矣
引之几席三年語必以上期于通材大儒先生每以
生晚不獲久侍爲憾然淵原所自實已取之左右而
皆逢惟以先生之才之學迄未得一甲第知者惜之
所著有六十四卦經解八卷尚書古注便讀四卷詩
傳箋補十二卷儀禮經注一隅二卷夏小正補傳二
卷大戴禮記校正二卷論孟塙解二卷懸解四卷經

史答問二十六卷天算瑣記四卷數度衍約四卷戰
國策評四卷離騷補注一卷淮南書校正六卷說解
商十卷小學識餘四卷說叢十二卷白描詩錄二卷
又手自刪存古今體詩五百首賦二十首古文五十
首詩餘二百首時文百首帖體詩百首藏諸笥將卒
請于先生次弟梓而行之以惠後之學者此書則其
嚆矢矣道光戊申仲夏受業縣縣朱鏡蓉謹跋

按是書之作爲許氏功臣惟轉注一事疑於訾謗

叔重犯天下之不韙余嘗反復問難而知其說之
終不可易也彼以形體言轉注之誤不待辨矣戴
氏互訓一說泥于考老之文然許何不舉弟一篇
之營菑蓍苗而反舉弟八篇之考老不可解一也
互訓之字凡三百八十而如善吉謹慎警戒誠赦
竢待嬾餐馱飽更改駙近逮及赦置室甯飾假徵
召棄捐慙媿恥辱並併內入寄託束縛滅損縶拊
搗築明照底下槍距躬身頭首立佝逃亡嘑號間

訊儼慧技巧歌詠完全斷截創傷殺戮珍寶甘美
邦國傳遽種執耕穡坡阪繒帛但褻亵裘健鬻炊
爨涇灇燦弋牒札牴觸豕豕蝗蠹鴟雖雕斲之屬
皆非同部不得概云建類一首不可解二也保氏
以六書教國子互訓具于各訓既不待教亦不必
教不可解三也合此三者而知互訓非許意也江
氏分部一說合於建類之旨然建類五百四十之
外八千八百一十三字悉屬轉注且建首之字尚

亦多有轉注是轉注居六書二十分之十九疑其
太噴不可解一也六書見于周官則轉注自更前
于周官敘所云分別部居不相襍廁者許君既述
而非作不宜據爲已誤不可解二也考字本形聲
江河亦轉注是凡形聲之字皆卽轉注之字六書
不幾溷淆無別乎不可解三也且老履數部外如
一部之吏且部之𠂔日部之暱瞽尸部之屏屋實
難言同意相受不可解四也合此四者而知分部

雖許意後儒當爲諍友不當爲媚子也許君來注
天所來也故爲行來之來西注日在西方而鳥棲
故因以爲東西之西此正顯然轉注故據以訂正
顏淵曰舜何人也予何人也有爲者亦若是先生
無事不虛以受人獨此自信之深不搖于庸衆之
虛喝蓋欲爲六書規其全遂不暇爲許君護其短
苦心孤詣讀者諒之昔楊子雲擬經劉歆譏覆瓿
而桓譚獨知其必傳余于此書亦云鏡蓉附識